

22 - CHAGUZI NI NYINGI SANA

22 - CHAGUZI NI NYINGI SANA



1

Unawezaje Kulipata Kanisa la Kweli?



2

Je, umepata kujiuliza kwa nini kuna makanisa mbalimbali mengi hivyo? Mtu wa kawaida huchanganyikiwa. Makanisa mengi hufundisha ya kwamba ndiyo pekee yaliyo na ukweli.

Je, umepata kujiuliza kwamba ni kanisa gani kwa hakika linalofundisha na kuamini ukweli juu ya Mungu?



3

Rafiki, Biblia inayo majibu kwa ajili yetu. Katika dunia ya mchanganyiko, Neno la Mungu laweza kuaminiwa daima katika kutofautisha kati ya kweli na uongo!



4

Kwa hiyo somo letu wakati huu ni Kwa nini kuna makanisa tofauti tofauti mengi hivi?



5

(Fungu: Amosi 3:7)

Hakika Bwana MUNGU hatafanya neno lo lote, Biblia yasema, Bila kuwafunulia watumishi wake manabii siri yake.

Amosi 3:7.



6

Hebu tuelekee kwa neno la Mungu. Kumbuka ya kwamba haidhuru ninawaza nini. Jambo la muhimu tu ni kama lipo katika Biblia.

Kama lipo katika Biblia, liamini.

Kama halipo katika Biblia, hilo si langu!



7

Kwa kuanza somo letu, hebu tuanze na kitabu cha mwisho cha Biblia - Ufunuo.

Ufunuo, sura ya sita, inanena juu ya wapanda farasi wanne.

22 - CHAGUZI NI NYINGI SANA



8

Hawa wapanda farasi wanne wanawakilisha vipindi tofauti tofauti vya wakati katika historia ya kanisa la Kikristo. Katika vipindi hivi vya wakati, tunaona maendeleo ya makanisa tofauti tulio nayo leo.



9

(Fungu: Ufunuo 6:1)

Kisha nikaona hapo Mwana -Kondoo alipofungua moja ya zile muhuri saba,



10

nikasikia mmoja wa wale wenye uhai wanne akisema, kama kwa sauti ya ngurumo, 'Njoo!' Ufunuo 6:1.

Historia ya Ukristo sasa inafunuliwa hapa katika sura ya sita.



11

(Fungu: Ufunuo 6:2)

Nikaona, na tazama, farasi mweupe, na yeye aliyempanda ana uta, akapewa taji,



12

ali akishinda tena apate kushinda. Ufunuo 6:2.



13

Hivyo kanisa la kwanza ni kanisa la imani inayoshinda. NI farasi mweupe. Weupe huwakilisha imani safi.



14

Ungelikuwa wakati wa kufurahisha katika ile karne ya kwanza mara baada ya kupaa kwa Yesu.

22 - CHAGUZI NI NYINGI SANA




15

Wanafunzi walikuwa wamejazwa na ujasiri mwingi sana na imani nyingi sana, kwa sababu walikuwa wametembea na kuzungumza na Yesu. Walikuwa wamemwona akifufuliwa. Walikuwa wamemwona akipaa kwenda mbinguni. Walikuwa wamemwona akirejea. Walikuwa wameamini ahadi zake kwa mioyo yao yote.



16


Walishiriki habari njema, injili, wakiwa na ujasiri mwingi na shauku, kwa ulimwengu mzima.



17


(Fungu: Wakolosai 1:21 -23)

Kwa kweli, habari njema ya wokovu ilihubiriwa kwa kila sehemu ya ulimwengu wa wakati ule. Paulo anasema, Na ninyi, mliokuwa hapo kwanza mmefarikishwa , tena adui katika nia zenu, kwa matendo yenu mabaya,




18

amewapatanisha sasa,



19


katika mwili wa nyama yake, kwa kufa kwake, ili awalete ninyi mbele zake, watakatifu,



20

wasio na mawaa wala lawama.

22 - CHAGUZI NI NYINGI SANA




21

mkidumu tu katika ile imani, hali mmewekwa juu ya msingi, mkawa imara;



22

msipogeuzwa na kuliacha tumaini la Injili mliyoisikia habari zake,



23

ambayo mimi Paulo nalikuwa mhudumu wake. Wakolosai 1:21 - 23.



24

(Fungu: Matendo 5:14)

Walioamini wakazidi kuongezeka kwa Bwana, wengi, wanaume na wanawake. Matendo 5:14.

Kitabu cha Matendo kinatuambia ya kwamba maelfu walibatizwa kila siku.



25

(Fungu: Matendo 2: 47)

Walioamini wakazidi kuongezeka kwa Bwana, wengi, wanaume na wanawake. Matendo 5:14.

Kanisa lilikuwa ni mwili wa Kristo.



26

Watu walibatizwa kwa Yesu.

Walibatizwa na kuingia katika mwili wake, ambao ulikuwa kanisa.

Ilikuwa ni muhimu sana kwa wanafunzi wa awali kuwa waaminifu kwa Yesu.

Wakati wanafunzi walipoonywa wasifundishe katika jina la Yesu, Biblia yasema:

22 - CHAGUZI NI NYINGI SANA



27

(Fungu: Matendo 5:29)
Petro na mitume wakajibu, wakisema,
'Imetupasa kumtifi Mungu kuliko wanadamu.'
Matendo 5:29.

Ilikuwa muhimu zaidi kutenda kile alichokisema
Mungu, unaona? Kuliko kufuata mapokeo ya
wanadamu.



28

Hivyo walikuwa na imani safi, kwa sababu walipata
kuwa na Yesu.

Waliamini kile Yesu alichokisema.
Waliamini kile alichokiamini Yesu.
Walifundisha alichokifundisha Yesu.



29

Hiyo ndiyo aina ya imani tunayoihitaji leo -
isiyochanganya, imani safi inayotizama mbele kwa
marejeo ya Kristo.

Imani inayotizamia habari njema za wokovu kwa
marafiki zetu wote na majirani- kwa ulimwengu
mzima - ili kutimiza utume mkuu aliotupatia Yesu.
Hiyo ni imani safi.

Hiyo ni imani ya waumini wa kanisa la karne ya
kwanza.



30

Kanisa la kwanza lililoshinda kiimani liliwakilishwa
na farasi mweupe.
Kipindi hiki kiliishia mwaka wa 100 BK.



31

Je, Yohana aliona nini wakati Yesu alipofungua
muhuri wa pili?



32

(Fungu: Ufunuo 6:4)
Akatoka farasi mwingine, mwekundu sana, na yeye
aliyempanda alipewa kuiondoa amani katika nchi,

22 - CHAGUZI NI NYINGI SANA



33

ili watu wauane, naye akapewa upanga mkubwa.
Ufunuo 6:4.
Hivyo hapa tumewakilisha imani iliyotiwa damu.



34

Tunajua ya kwamba baada ya mwaka 100 BK, Wakristo walisombwa hadi Rumi, ambapo waliuawa, na wengi wao walifanywa kuwa chakula cha simba katika viwanja vikubwa vya maonyesho na michezo katika Himaya ya Kirumi.



35


Ulikuwa wakati mbaya kiasi gani kwa kanisa la Kikristo! Lakini bado, kanisa liliendelea kukua. Mwana historia mmoja wa wakati ule alisema ilionekana damu ya Wakristo ilikuwa kama mbegu. Watu walipoendelea kuuawa na kutoa maisha yao kwa Yesu, ilionekana kama mbegu iliyokuwa ikipandwa, na wengi zaidi waliinuliwa ili kuchukua mahali pao.

Habari njema ya wokovu ilienea katika Ufalme wote wa Kirumi na katika sehemu zingine zote zilizojulikana za ulimwengu wa wakati ule.



36

Kwa hivyo farasi mwekundu huwakilisha imani iliyotiwa damu. Muhuri wa pili ni kanisa la Kikristo lililokuwepo tangu mwaka 100 BK hadi 323 BK.




37

(Fungu: Ufunuo 6:5)

Hivyo Yesu alifungua muhuri wa tatu -- kipindi cha tatu cha kanisa la Kikristo.

Na alipoifungua muhuri ya tatu, nikamsikia yule wa tatu mwenye uhai akisema, 'Njoo!....'



38

Nikaona, na tazama, farasi mweusi, na yeye aliyempanda ana mizani mkononi mwake.
Ufunuo 6:5.

22 - CHAGUZI NI NYINGI SANA



39

Huyu farasi mweusi anawakilisha imani iliyouzwa.



40

(Fungu: Matendo 20:29,30)

Najua mimi ya kuwa baada ya kuondoka kwangu mbwa mwitu wakali wataingia kwenu, walisilihurumie kundi.



41

tena katika ninyi wenyewe watainuka watu wakisema mapotovu, wawavute hao wanafunzi wawaandamie wao. Matendo 20:29,30. Huu ni wakati wa kusikitisha sana kwa kanisa la Kikristo.



42

Huu ni wakati wa imani iliyouzwa - wakati upagani unapoungana na Ukristo. Danieli alitabiri hili.



43

(Fungu: Danieli 8: 12)

Na jeshi likatolewa kwake pamoja na sadaka ya kuteketezwa ya daima,



44

nayo ikaiangusha kweli hata chini; ikatenda ilivyopenda na kufanikiwa. Danieli 8:12.



45

Ukweli wa kwanza wa muhimu uliopotea katika kipindi hiki ulikuwa wa wokovu kwa imani pekee katika Yesu. Wokovu kupitia kwa Kristo uliondolewa na badala yake kukawa na matakwa ya kanisa.

22 - CHAGUZI NI NYINGI SANA



46

Kama utakumbuka kama tulivyojifunza kabla, wokovu, kulingana na Biblia, ni karama ya bure. Hii ni karama, kwa sababu sisi sote tumetenda dhambi, na hatustahili kabisa. Tunastahili kufa, kwa sababu mshahara wa dhambi ni mauti.

Lakini karama ya Mungu ni uzima wa milele.



47

Tulipokuwa tungali wenye dhambi, Kristo alikufa kwa ajili yetu. Hiyo ni injili isiyochanganya.



48

Ili kupokea karama ya bure, yote tunayohitaji kutenda ni kumwalika Yesu katika mioyo yetu.



49

Kisha hutusamehe dhambi zetu zote.



50

Na pili, Atatupatia uwezo wa kuacha dhambi. Atatupatia uwezo wa kutembea katika hatua zake.



51

Lakini huu ukweli ulio wazi wa wokovu, hii injili isiyochanganya kama ilivyo katika Yesu, katika kipindi hiki wakati imani ilipouzwa, ilibadilishwa na badala yake kuwekwa matakwa ya kanisa.



52

Badala ya kukabili kwa ujasiri kiti cha enzi cha Mungu, kwa kupokea neema yake na msamaha, badala ya kuungama dhambi kama jinsi Biblia isemavyo jinsi ya kutenda, Wakristo waliambiwa ya kwamba walihitaji kulipa ili dhambi zao zisamehewe.

22 - CHAGUZI NI NYINGI SANA



53

(Fungu: 1 Yohana 1:9)

Lakini Biblia yasema, Tukiziungama dhambi zetu, Yeye ni mwaminifu na wa haki hata atuondolee dhambi zetu, na kutusafisha na udhalimu wote.



54

Wakristo waliambiwa ya kwamba walikuwa waende kwa padri. Walikuwa waende kwa mtu.

Hawangeweza tena kwenda kwa ujasiri mbele za kiti cha enzi cha Mungu.

Wokovu ulifanywa kuwa mgumu zaidi.

Na watu walikubali uuzaji huu wa imani, kwa sababu hawakuwa na Maneno ya Mungu.



55

Ilikuwa ni kinyume cha sheria, kwa kweli, katika kipindi hiki kwa wao kuwa na Neno la Mungu.

Nyumba na mashine kubwa za uchapaji zilikuwa hazijavumbuliwa bado, hivyo ilikuwa vigumu kupata hata kisehemu kidogo cha maandiko. Watu wengi walikubali kile kanisa lilichowaambia, na imani ya Kikristo ikachafuliwa.



56

Ilikuwa ni kinyume cha sheria, kwa kweli, katika kipindi hiki kwa wao kuwa na Neno la Mungu.

Nyumba na mashine kubwa za uchapaji zilikuwa hazijavumbuliwa bado, hivyo ilikuwa vigumu kupata hata kisehemu kidogo cha maandiko. Watu wengi walikubali kile kanisa lilichowaambia, na imani ya Kikristo ikachafuliwa.



57

(Fungu: Kutoka 20:4,5)

Usijifanyie sanamu ya kuchonga, wala mfano wa kitu cho chote kilicho juu mbinguni,



58

wala kilicho chini duniani, wala kilicho majini chini ya dunia.

22 - CHAGUZI NI NYINGI SANA



59

Usivisujudie wala kuvitumikia; kwa kuwa mimi, BWANA, Mungu wako, ni Mungu mwenye wivu;



60

nawapatiliza wana maovu ya baba zao, hata kizazi cha tatu na cha nne cha wanichukiao, Kutoka 20:4,5.



61

Huu ndio wakati ambapo sanamu ziliingia kanisani. Amri kumi zilikuwa zimeweka wazi kabisa ya kwamba ilikuwa si sahihi kuabudu kitu kingine chochote isipokuwa Mungu Peke Yake.



62

Ukweli wa tatu wa Biblia uliouzwa wakati huu ulihusiana na amri ya nne na siku ya ibada. Tambua jinsi Biblia isemavyo juu ya Danieli na jinsi alivyoliona hili:



63

(Fungu: Danieli 7:15)
Basi, mimi Danieli, roho yangu ilihuzunika mwilini mwangu, na hayo maono ya kichwa changu yakanifadhaisha.
Danieli 7:15.



64

Umeona jinsi ambavyo Konstantine alisimika sheria ya kwanza ya Jumapili: kubadilishwa kwa siku ya ibada toka Sabato ya siku ya saba hadi siku ya kwanza ya juma, Jumapili.



65

(Fungu: Yohana 14:15)
Lakini kumbuka, Yesu alisema, Mkinipenda, mtazishika amri zangu. Yohana 14:15.
Na bado katika kipindi hiki cha imani iliyouzwa, upendo kwa Yesu ulipoa, na watu wengi walifuata mapokeo badala ya kumfuata Mungu.

22 - CHAGUZI NI NYINGI SANA



66

Kanisa lilikubali mapatano kuhusu Sabato na likajaribu kuibadili siku ya ibada. Tarehe 21 Mei, 1995, Gazeti la Sentinel la kanisa la Kikatoliki la Mtakatifu Catherine lilisema,



67

Pengine jambo la ujasiri zaidi, badiliko la kianamapinduzi lililokubwa lililowahi kutokea lilitokea katika karne ya kwanza. Siku takatifu,



68

Sabato, ilibadilishwa toka siku ya Jumamosi kwenda siku ya Jumapili....siyo kutokana na maelekezo yoyote yaliyopo katika Maandiko, lakini kutokana na hisia ya kanisa ya mamlaka yake.....



69

Watu wanaofikiria ya kwamba Maandiko yanapaswa kuwa mamlaka ya pekee, wanapaswa kwa hekima wawe Waadventista wa Sabato na watunze siku ya Jumamosi kama takatifu.



70

Ibada Jumapili, siku ya kwanza ya juma, haipo katika Biblia. Wasomi katika dunia nzima hulikubali hilo!



71

Badiliko lililetwa kama ambavyo tumeona, na mfalme wa Himaya ya Kirumi, Konstantine, mwaka wa 320 BK, na kanisa lilikubali badiliko hili.



72

Rafiki zangu, kama tunataka kutenda jinsi Biblia isemavyo, na tuwe Waadventista wa Sabato! Katika kipindi hiki cha mapatano, siku ya kipagani ya jua iliwekwa badala ya Sabato Takatifu ya Biblia.

22 - CHAGUZI NI NYINGI SANA



73

Historia ya Kanisa la Mashariki, uk. 184, inasema, Sarafu zake (Konstantine) zilikuwa na herufi katika upande mmoja za jina la Kristo, na upande mwingine, sura ya mungu-mtu.....



74

kana kwamba hakuweza kuachilia mbali ufadhili wa ung'avu wa jua. Je, hili si jambo la kushangaza?



75

Mungu analiweka wazi kabisa katika amri zake:



76

(Fungu:Kutoka 20:11)
Maana, kwa siku sita BWANA alifanya mbingu, na nchi na bahari na vyote vilivyomo,



77

akastarehe siku ya saba; kwa hiyo BWANA akaibarikia siku ya sabato akaitakasa.
Kutoka 20:11.



78

Mungu anaweka wazi ya kwamba anataka watu wake watunze siku ya saba kama Sabato takatifu.
Nyuma katika mwanzo kabisa, Biblia yasema,



79

(Fungu: Mwanzo 2:3)
Mungu akaibarikia siku ya saba, akaitakasa

22 - CHAGUZI NI NYINGI SANA



80

kwa sababu katika siku hiyo Mungu alistarehe, akaacha kufanya kazi yake yote aliyoiumba na kuifanya.
Mwanzo 2:3.



81

Kama Mungu Muumbaji



82

aliibariki siku,



83

kama aliweka siku moja pembeni,



84

kama aliifanya siku moja kuwa takatifu zaidi ya siku nyingine, hivyo rafiki zangu, mwanadamu hana haki, wala hana mamlaka ya kuibadili! Inakuwa ni swala la ibada, ni swala la utii kama ni kwamba tufuate mapokeo ya mwanadamu au tutende kile alichokisema Mungu.



85

Hiki basi ni kipindi cha imani iliyouzwa. Kipindi hiki cha kanisa kilikuwa kuanzia mwaka wa 323 BK hadi mwaka wa 536 BK.



86

Sasa tunakwenda kwa hatua ya nne ya Kanisa la Kikristo, ambayo ni farasi wa kijivu.

22 - CHAGUZI NI NYINGI SANA



87

(Fungu: Ufunuo 6:7,8)

Na alipoifungua muhuri ya nne, nikasikia sauti ya yule mwenye uhai wa nne akisema, 'Njoo!'



88

Nikaona, na tazama, farasi wa rangi ya kijivujivu, na yeye aliyempanda jina lake ni Mauti, na Kuzimu akafuatana naye.



89

Nao wakapewa mamlaka juu ya robo ya nchi, waue kwa upanga



90

na kwa njaa na kwa tauni na kwa hayawani wa nchi.

Ufunuo 6:7,8.



91

Imani iliyokufa - muhuri wa nne.


Huu ulikuwa ni wakati wa muungano wa kanisa na serikali. Ufalme 'mtakatifu' wa Kirumi ulikuwa umeendelea kikamilifu sasa, na haikuwa tu ni serikali ya kidini bali pia ilikuwa ni serikali ya kisiasa.

Hapo tunaona muunganiko basi, wa kanisa na siasa.



92

Kwa ufupi angalia kauli hii: Ukristo ukawa ni dini iliyohibitishwa katika Ufalme wa Kirumi na kuchukua nafasi ya upagani.



93

Ukristo, kama jinsi ulivyokuwa wakati wa Zama za Giza, unaweza kuitwa 'upagani uliobatizwa'.
- Historia ya Kanisa, Karne ya 2, sura ya 2, sehemu ya 7.

22 - CHAGUZI NI NYINGI SANA



94

Kumbuka, katika wakati huu watu hawakuwa na uhuru wa kusoma Neno la Mungu. Ilikuwa kwa kweli kinyume na sheria, na kama tuivyosema, mashine za uchapaji zilikuwa hazijazinduliwa bado.



95

Watu walifuata mapokeo. Walifuata upagani na sherehe ambazo zilikuwa zimeingia katika kanisa. Hii ni kweli ya kihistoria ambayo ninaieleza.



96

Kanisa pekee lililoendelea kuwepo likawa la Kikatoliki. Na tena, hii si ukosoaji wa mtu fulani mmoja mmoja - ni swala la mfumo ! Tunao watawa wengi wa Kikatoliki na mapadri na waumini wa Kikatoliki duniani ambao wanampenda Yesu sana na wanautafuta ukweli. Ni muhimu kuelewa kwa nini tupo pale tulipo sasa hivi.



97

Huu ulikuwa wakati mbaya sana wa mapatano, wakati wa kutisha wa uteswaji wa watu wa Mungu.



98

Hii ndiyo sababu kipindi hiki kinaitwa Zama za Giza. Wakristo milioni hamsini waliuawa kwa sababu ya imani yao.



99

Tazama hapa hatua za mapatano:



100

mapokeo,

22 - CHAGUZI NI NYINGI SANA



101

toba,



102

na misamaha ikaingia katika kanisa.

Uliweza kulipa fedha na kulipa kwa ajili ya msamaha ili kama inavyosadikiwa, ndugu zako watoke katika pagatori, au ungeweza kujilipia mwenyewe, ili kwamba usiende pagatori unapokufa. Huu ni mfano tena wa upagani katika kanisa la Kikristo.



103

Hakuna katika Neno la Mungu kitu kama pagatori. Sanamu ziliingia katika kanisa - kama jinsi ilivyokuwa katika swala la madaraja kanisani na masharti ya kanisa.

Je ukweli wa Mungu ungeendelea kukanyagwa chini milele? Tunahoji. Hakika, la, kwa sababu nuru ya ukweli ingepenya katikati ya giza. Na hatua zingechukuliwa katika kuweka daraja la kuunganisha kweli zilizopotea katika Zama za Giza.



104

Wakati wa Matengenezo, imani safi ya Yesu ilianza kugunduliwa tena.



105

Waliokuwa wa kwanza kuchukua hatua katika Zama za Giza za miaka ya 1400 walikuwa ni Wawaldensia.



106

Waligundua tena Neno la Mungu, Biblia. Biblia ni muhimu sana. Kama tusingelikuwa na Neno la Mungu, kama tusingelikuwa na barua za upendo kwa ajili yetu tunazozipata katika Biblia, tusingelikuwa na mwelekeo katika maisha.



107

Kule kaskazini mwa Italia, tunapata kisa cha wa - waldensia walioiamini Biblia.

Waldensia wangelandika Maandiko kwa mkono na kutoa sehemu zake kwa watoto wao. Kwa kutumia mafungu haya yaliyoshonwa katika mavazi yao, watoto walifanikiwa kwenda katika majiji makubwa ya Ulaya. Walishiriki mafungu haya ya Biblia pamoja na marafiki zao waliowapata katika masoko na katika vyuo.



108

Hata hivyo, matokeo yake, kama walikamatwa, yalikuwa ni mazito-walichomwa wakiwa wamefungwa katika miti.

Ingawa wengi walipoteza maisha yao, Wawaldensia walitafakari kuwa ni upendeleo wa pekee kuwa katika hali hiyo ili kazi ya Mungu iendelee kuwa hai.



109

Baada ya Waldensia, alikuja mwanamatengenezo, mwanafunzi wa Biblia kule Prague aliyeitwa John Huss.

Huss, pamoja na rafiki yake Jerome, waligundua ya kwamba ilikuwa ni muhimu zaidi kumtii Mungu zaidi ya kutii kanisa au kutii mwanadamu.



110

Kwa sababu ya msimamo wao wa utii, wa kuamini ya kwamba tunapaswa kutenda kile Mungu anachotuambia tukitende badala ya kufuata mapokeo ya kanisa, walichomwa hadi kufa, Majivu yao yalitupwa katika mto uliotiririka kwenda katika Bahari ya Mediteranian.

Zaidi kwa namna iyo hiyo, Matengenezo yalitiririka toka katika chanzo chake hadi kwenda dunia nzima.



111

Baada ya Huss na Jerome kuchomwa hadi kufa, mtu mmoja wa Ujerumani aliyeitwa Martin Luther aliugundua ukweli wa Biblia wa wokovu kwa njia ya neema peke yake.

22 - CHAGUZI NI NYINGI SANA



112

Baadhi ya watu huuliza swali, Kwa nini Luther hakugundua kweli zote zilizopotea wakati wa Zama za Giza?
Na Biblia inajibu,



113

(Fungu: Yohana 16:12)
Hata bado nikali ninayo mengi ya kuwaambia, lakini hamwezi kuyastahimili hivi sasa.



114

Kupata tena kweli za Biblia zilizopotea kulichukua muda mrefu-ilikuwa ni hatua kwa hatua.
Ilichukua miaka mamia kwetu kupoteza imani ya Yesu nyakati za Zama za Giza.
Na ilinglichukua pia miaka mingine mingi tena kugundua tena kweli hizi.



115

Wakati Luther alipokufa, waumini wake walichukua kile alichokisema na kuunda kanisa la Kilutheri.
Kwao, Matengenezo yalikomea katika kifo cha Luther.



116

Kutokea Ujerumani, tunasafiri hadi Geneva, Uswisi, na kumpata mwanafunzi wa Biblia aliyeitwa John Calvin ambaye,



117

katika majifunzo yake, aligundua ya kwamba Wakristo si tu kwamba hupokea neema na msamaha na kwamba wanapaswa kuja kwa ujasiri mbele za kiti cha rehema, bali pia, ni muhimu kwao kukua katika Kristo.



118

Hivyo Calvin alifundisha fundisho la ukuaji, ambalo wengine huliita utakaso.
Tunapomkubali Yesu, anatupatia uwezo wa kushinda dhambi.

22 - CHAGUZI NI NYINGI SANA



119

Wakati John Calvin alipokufa, wafuasi wake walichukua kile alichokisema na kuunda kanisa la Kipresbyterian.

Hivyo ukweli, unaona, tangu ulipopotea katika Zama za Giza, uliendelea kuvumbuliwa tena.



120

Baada ya wakati wa Calvin, kulikuwa na kundi la Wakristo katika sehemu mbalimbali za Ulaya kaskazini waliojifunza Biblia zao na kufikia hitimisho ya kwamba badala ya kunyunyiziwa kama watoto,



121

ubatizo unapaswa kufuata mfano wa Yesu, kwa huwo kuwa uamuzi wa mtu pekee na kutendwa kwa njia ya kuzamisha.

Waliitwa Wa -Anabaptist.



122

Ubatizo kwa njia ya kuzamisha - kuwekwa moja kwa moja ndani ya maji kama Yesu alivyofanya ulikuwa ni ukweli wa muhimu sana uliokuwa umepotea wakati wa Zama za Giza, kama ambavyo unawakilisha kifo katika dhambi na kuwa hai katika Mungu.



123

(Fungu: Warumi 6:3,4)

Hamfahamu ya kuwa sisi sote tuliobatizwa katika Kristo Yesu tulibatizwa katika mauti yake?



124

Basi tulizikwa pamoja naye kwa njia ya ubatizo katika mauti yake,



125

kusudi kama Kristo alivyofufuka katika wafu kwa njia ya utukufu wa Baba, vivyo hivyo na sisi tuenende katika upya wa uzima.
Warumi 6:3,4.

22 - CHAGUZI NI NYINGI SANA




126

Na ili kubatizwa kama Yesu alivyobatizwa,



127

tunapaswa kujifunza juu yake,



128

tuungame dhambi zetu,




129

na tumkubali Yesu kama Mwokozi wetu.
Wengi wa wa-Anabaptisti walipoteza maisha yao,
kwa sababu waliamini ya kwamba wana paswa
kutembea katika nyayo za Yesu na kubatizwa kama
Yeye alivyobatizwa.



130

Kutokea katika mwanzo huu mnyenyekevu, kanisa la
Kibaptist liliundwa.



131

(Fungu: Mathayo 28:18,19)
Yesu akaja kwao akasema nao, akawaambia,
'Nimepewa mamlaka yote mbinguni na duniani.



132

Basi, enendeni, mkawafanye mataifa yote kuwa
wanafunzi,



133

mkiwabatiza kwa jina la Baba na Mwana, na
Roho Mtakatifu'.
Mathayo 28:18,19.

22 - CHAGUZI NI NYINGI SANA



134

Yesu alitoa agizo kwa kanisa Lake kuwa liende na kufundisha na kubatiza na kufanya watu kuwa wanafunzi.

Wa baptisti wa matengenezo walikuwa wakifuata na kutimiza agizo, kama tutendavyo leo!



135

Unaona, kila mmoja wa hawa wana matengenezo alikuwa akivumbua upya kweli ambazo zilikuwa zimepotea wakati wa Zama za Giza.

Walipogundua upya kweli hizi, wafuasi wao waliungana pamoja katika kile kilichokuja kufahamika baadaye kama madhehebu ya Kiprotestanti kama vile Walutheri, Wapresbyterian, na Wabaptisti.



136

Hatimaye, kule Uingereza, mtu aliyeitwa John Wesley alianza kujifunza Biblia yake.



137

Ndugu yake, Charles, aliandika nyimbo nzuri sana juu ya Yesu, na walihisi ni bora ziimbwe kanisani. Waligundua pia ya kwamba haikuwa tu muhimu kukubali karama ya bure ya wokovu, kuwa watii kwa Mungu, na kubatizwa na kukua katika neema, lakini hali msingi umewekwa katika Neno la Mungu, waligundua kwamba ni muhimu kuwa watakatifu.

John Wesley alikuwa mwanamatengenezo mkuu, na mara alipokufa, wafuasi wake walichukua kile ambacho yeye na wana matengenezo wengine walichokifundisha na kuunda kanisa la Kimethodisti.



138

Kisha katika sehemu mbalimbali za dunia kama vile Amerika ya kusini, Ulaya, na Amerika ya Kaskazini, watu walianza kujifunza kuhusu kuja kwa mara ya pili kwa Yesu.

22 - CHAGUZI NI NYINGI SANA



139

Mtu aliyeitwa William Miller, wa Amerika ya Kaskazini, alijifunza juu ya ahadi za Yesu za Yohana 14. Alijifunza pia unabii wa Danieli na Ufunuo, na alielewa ya kwamba Yesu alikuwa anakuja upesi sana.



140

Hivyo katika msingi wa



141

Wawaldensia walifundisha juu ya Biblia,



142

Kile ambacho Huss alikifundisha juu ya utii,



143

kile Luther alichofundisha juu ya neema,



144

kile Calvin alichofundisha juu ya utakaso au ukuaji,



145

kile Waanabaptisti walichofundisha juu ya ubatizo,

22 - CHAGUZI NI NYINGI SANA



146

na wakati Wesley alipofundisha juu ya utakatifu, Miller aliongezea katika haya fundisho lingine muhimu sana: ukaribu wa kuja kwa mara ya pili kwa Kristo.



147

Baada ya wakati wa Miller, msukumo wa kiadventista uliendelea.

Rafiki zake pia waligundua ya kwamba wakati watu wanapokufa wakimwamini Yesu, hulala katika Yesu, wakisubiri ufufuo. Kama Biblia ifundishavyo wazi, tunalala hadi wakati ule wa ufufuo tutakapoitwa tutoke katika kaburi.

Itakuwa asubuhi njema kiasi gani kuunganishwa na wapendwa!




148

Waadventista wa awali waligundua toka kwenye Biblia:



149

1. Mauti ni usingizi.



150


2. Yesu anakuja.



151

3. Atawafufua wafu wakati wa ufufuo:

22 - CHAGUZI NI NYINGI SANA



152

(Fungu: 1 Wathesalonike 4:16)

Kwa sababu Bwana mwenyewe atashuka kutoka mbinguni pamoja na mwaliko, na sauti ya malaika mkuu, na parapanda ya Mungu; nao waliokufa katika Kristo watafufuliwa kwanza.

1 Wathesalonike 4:16.



153

(Fungu: Yohana 14:15)

Baada ya wakati wa William Miller, waumini katika kuja kwa Yesu mara ya pili wao pia waligundua maneno Yesu yaliyomo katika Yohana 14:15: Mkinipenda, mtazishika amri zangu.

Unaona, sisi sote tunapaswa tutake kuwa na uhusiano wa upendo na Yesu. Kwa sababu tunampenda, tunataka kutunza amri zake zote. Siyo tu baadhi ya hizo, bali kila moja ya hizo.



154

(Fungu: Mathayo 15:9)

Tazama kile Yesu alichokisema katika Mathayo 15:9; Nao waniabudu bure, wakifundisha mafundisho yaliyo maagizo ya wanadamu.

Ni kweli kiasi gani hiyo leo.

Watu hufundisha mafundisho na amri za wanadamu.



155

Lakini haijali watu wanasema nini. Lililo la muhimu ni lile Mungu analolisema.



156

Tunapofikia katika swala la ibada, lazima tumwabudu Mungu katika siku ya Sabato ambayo ameiweka pembeni kwa ajili yetu. Ni siku ya pekee ambayo ametupatia. Kama jinsi mafundisho haya ya pekee yalivyogunduliwa katika Biblia, watu wajifunzao kweli hizi hatimaye waliunganika pamoja na kuunda kanisa la Waadventista wa Sabato. Isaya 58:13 na 14 ilitabiri ya kwamba kungekuwa na msukumo kwa ajili ya kukarabati ufa uliojengeka katika sheria ya Mungu. Fungu hili hunena juu ya siku ya pekee:

22 - CHAGUZI NI NYINGI SANA



157


(Fungu: Isaya 58:13,14)

Kama ukiugeuza mguu wako usihalifu sabato, usifanye anasa yako siku ya utakatifu wangu,



158

ukiita sabato siku ya furaha, na siku takatifu ya BWANA yenye heshima; ukiitukuza,



159

kwa kutokuzifanya njia zako mwenyewe; wala kuyatafuta yakupendezayo, wala kusema maneno yako mwenyewe;



160

ndipo utakapojifurahisha katika BWANA;



161

nami nitakupandisha mahali pa nchi palipoinuka;



162

nitakulisha urithi wa Yakobo baba yako; kwa maana kinywa cha BWANA kimenena hayo.



163

Bwana anatuambia wazi kabisa ya kwamba hatupaswi kufanya kazi katika siku hiyo. Hatupaswi kufanya biashara katika siku hiyo. Hatupaswi kutafuta anasa zetu wenyewe katika siku hiyo.

22 - CHAGUZI NI NYINGI SANA



164

Ni siku takatifu.

Tunapomuweka Mungu kuwa wa kwanza katika Sabato, uzoefu wetu utakuwa wa kupendeza. Sabato inakuwa ya kuisisimua.

Mungu hachukui toka kwetu-Yeye anatupatia mbaraka wa pekee. Ni kama siku ya malipo.

Anasema atasababisha tuweze kutembea katika mahali palipo inuka pa dunia. Ni mbaraka kiasi gani atatupatia kama tutamuweka kuwa wa kwanza na bora kuliko vyote katika maisha yetu -kama tukimfuata na kutunza Sabato kama atuombavyo.



165

Hivyo kwa kila kweli ambayo Mungu ametufundisha katika Biblia, Shetani ametengeneza bandia yake - uigizaji wa uongo.



166


Mungu anasema tunapokufa, tunalala katika kaburi. Bandia ya Shetani ni kwamba tunakwenda mbinguni au jehanamu au pagatori tunapokufa.



167

Mungu anasema ubatizo ni kwa njia ya kuzamisha. Shetani anasema yawezekana kwa njia ya kunyunyizia.

Mungu alitupatia kweli yake kuhusu afya. Shetani anasema sheria za afya zilitufutwa. Kwa kila kweli ipo bandia yake. Na hilo hutengeneza mchanganyiko.




168

(Fungu: Ufunuo 18:2)

Kitabu cha Ufunuo kinanena kuhusu hilo: Akalia kwa sauti kuu, akisema, 'Umenguka, umeanguka Babeli ule ulio mkuu,

22 - CHAGUZI NI NYINGI SANA



169

umekuwa maskani ya mashetani, na ngome ya kila roho mchafu, na ngome ya kila ndege mchafu mwenye kuchukiza!

Ufunuo 18:2.

Babeli, katika unabii, humaanisha machafuko ya kidini. Na tizama mwito uliowekwa hapa.



170

(Fungu: Ufunuo 18:4)

Kisha nikasikia sauti nyingine kutoka mbinguni, ikisema, 'Tokeni kwake, enyi watu wangu,



171

msishiriki dhambi zake, wala msipokee mapigo yake.'

Ufunuo 18:4.



172

Mungu anaita watu wake watoke katika machafuko, ili wasiwe washiriki katika dhambi zake.

Rafiki zangu, Yesu anakuta wewe sasa.

Sasa ndiwo wakati wa kusimama kwa ajili ya Yesu!



173

(Fungu: Matendo 2:47)

Tazama Neno la Mungu: Wakimsifu Mungu, na kuwapendeza watu wote. Bwana akalizidisha kanisa kila siku

kwa wale waliokuwa wakiokolewa.



174

(Fungu: 1Wakorintho 12:13)

Kwa maana katika Roho mmoja sisi sote tulibatizwa kuwa mwili mmoja, kwamba tu Wayahudi, au kwamba tu Wayunani; ikiwa tu watumwa au ikiwa tu huru;



175

nasi sote tulinyeshwa Roho mmoja.

1 Wakorintho 12:13.

22 - CHAGUZI NI NYINGI SANA



(Fungu: 1 Wakorintho 1:18)
Kwa sababu neno la msalaba kwao wanaopotea ni upuzi,



bali kwetu sisi tunaookolewa ni nguvu ya Mungu.
1 Wakorintho 1:18.



Tunaitwa tutoke katika Babeli ili tutende yaliyo sahihi. Je, hupendi Yesu wako?
Anarudi upesi sana kutuchukua kwenda nyumbani kwetu mbinguni ambako amepaandaa kwa ajili yetu sasa.

Je, hupendi kumfuata njia yote?
Kama jinsi ambavyo usiku wa leo, ni wazi kuona ya kwamba Yesu kupitia katika maisha yake na mafundisho yake alifunua kweli yake aliyokusudia ya kwamba ijulikane kwa wafuasi wake na waifuata. Tumegundua ni nani anayefanya vita dhidi ya kweli na kanisa la Kristo, akitesa, akichanganya, na kuweka bandia ya ile kweli ambayo Kristo amelipa kanisa.

Tumeona katika majifunzo yetu ya Biblia na historia ya kwamba Kristo anawaongoza watu wake warejee katika kweli ambayo hapo mwanzo alilipa kanisa Lake.

Anawaita watu watoke katika machafuko ya kidini na kuingia katika kweli iliyofunuliwa katika kazi yake takatifu.

Je, hungependa sasa hivi, kuitikia malaika zake wanaoita .. tokeni kati yake enyi watu Wangu! Je, hutaki sasa hivi kuwa sehemu ya kanisa la Mungu, ...Linalozishika amri za Mungu na kuwa na imani ya Yesu?